



## UGOVOR

### o javnoj nabavci usluga zaštite prijevoza i prijenosa gotovog novca sa uplatno-isplatnih mjesta do poslovne banke

Ugovorne strane:

KJKP "Sarajevogas" d.o.o. Sarajevo  
Ul. Trg Fadile Odžaković Žute br. 4, 71000 Sarajevo  
Koga zastupa: Direktor Preduzeća, mr. sc. Nihada Glamoč, dipl.ing.maš.  
(u daljem tekstu: Naručilac usluge)

i  
**Agencija za zaštitu ljudi i imovine Securitas d.o.o. (ID: 4227417480004)**  
Bačići br. 3, 71000 Sarajevo,  
Koga zastupa: Valdin Jažić, direktor  
(u daljem tekstu: Pružalac usluge)

#### Član 1.

Na osnovu **direktnog sporazuma** broj DS-05-135/18, ugovorne strane zaključuju ugovor o nabavci usluga zaštite prijevoza i prijenosa gotovog novca sa blagajni do banke.

#### Član 2.

Predmet ovog ugovora je vršenje usluga zaštite prijevoza i prijenosa gotovog novca sa blagajne Naručioca usluge u Centru za komunalne usluge Vogošća do poslovne banke, po direktnom sporazumu broj DS-05-135/18.

#### Član 3.

Ugovorna vrijednost usluga iz člana 2. ovog ugovora, za 12 mjeseci, bez PDV-a iznosi: **2.520,00 KM (slovima: jednahiljadpetstotinadvadeset i 00/100) KM**, a jedinična cijena je 10 KM bez PDV-a po jednom transportu gotovine na relaciji Centar za komunalne djelatnosti Vogošća – poslovna banka Ugovornog organa.

#### Član 4.

Pružalac usluga će usluge iz člana 2. vršiti nakon zaključenja ovog ugovora, svakoga radnoga dana u godini, kao i po potrebi.

#### Član 5.

Preuzimanje novca će se vršiti u adekvatnom prostoru Naručioca, u plastificiranim plombiranim vrećicama koje obezbjeđuje Naručilac, svakoga radnoga dana od 14,00 - 14,30 sati sa uplatno-isplatnog mjesta: Centra za komunalne usluge Vogošća, adresa Jošanička br. 80, 71320 Vogošća.

#### Član 6.

Aktivnosti koje se odnose na procedure obavljanja zaštite prijevoza i prijenosa gotovog novca sa uplatno-isplatnog mjesta Naručioca do poslovne banke će se izvršavati u skladu sa:

- Zakonom o agencijama i unutrašnjim službama za zaštitu ljudi i imovine (Sl. novine FBiH br. 78/08 i 67/13),
- Uredbom o načinu i postupku provođenja mjera zaštite i vršenja prijevoza i prijenosa gotovog novca, vrijednosnih papira i dragocjenosti (Sl. novine FBiH br. 76/15),
- Prilogom koji je sastavni dio ovog ugovora, a odnosi se na proceduru obavljanja zaštite prijevoza i prijenosa gotovog novca sa uplatno-isplatnih mjesta Naručioca do poslovne banke i
- Procedurama Pružaoca usluge koje se odnose na poslove zaštite prijevoza i prijenosa gotovog novca.

#### Član 7.

Pružalac usluga će obračun izvršenih usluga vršiti po jediničnoj cijeni iz tačke 3. ovog ugovora. Naručilac usluga će plaćanje izvršiti u roku od 30 dana nakon prijema uredno ispostavljene mjesečne fakture na transakcijski račun Pružaoca usluga naznačen na fakturi.



#### Član 8.

Pružalac usluga, preuzimanjem novca sa uplatno-isplata mjestu Naručioca do pologa u Banku, preuzima i cjelokupan rizik transporta i osiguranja novca. Maksimalna odgovornost Pružaoca usluga u okviru ovog ugovora može biti do 200.000 KM (slovima: dvijestotinehiljada konvertibilnih maraka) po štetnom događaju, odnosno u zbirnom iznosu na godišnjem nivou počev od dana primjene ovog ugovora.

#### Član 9.

Naručilac i Pružalac usluga se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane u ispunjavanju njihovih ugovornih obaveza.

#### Član 10.

Način komunikacije između ugovornih strana po ovom Ugovoru se obavlja najprikladnijim sredstvima komunikacije (preporučena pošta, kurirska služba, telefon ili telefoni ovlaštenih osoba Naručioca i Pružaoca usluga, telefax, te elektronskom poštom/ e-mail adrese ovlaštenih kontakt osoba Naručioca i Pružaoca usluga).

#### Član 11.

Ugovorne strane kao ovlaštene kontakt osobe zadužene za operativno izvršenje ovoga ugovora određuju:

Ispred Naručioca:

*u pogledu zaštite prijevoza i prijena gotovog novca sa uplatno-isplata mjestu:*

g-din. mr. **Nihad Subašić**, telefon: 033/568-168 lok. 168, fax: 033/225-260, mob: 061/377-799, e-mail: nsubasic@sarajevogas.ba, a u njegovom odsustvu ovlaštena kontakt osoba je g-din. **Kenan Gavranović** (zamjenik), telefon: 033/568-166 lok.166, fax: 033/225-260, mob: 061/310-725, e-mail: kenang@sarajevogas.ba.

*u finansijsko-ekonomskom pogledu prijevoza i prijena gotovog novca sa uplatno-isplata mjestu:*

g-din. **Dino Solaković**, telefon: 033/445-120 lok. 293, fax: 033/225-260, mob: 061/182-183, e-mail: dsolakovic@sarajevogas.ba, a u njegovom odsustvu ovlaštena kontakt osoba je g-đa. **Indira Škopo** (zamjenica), telefon: 033/445-120 lok. 261, fax: 033/225-260, mob: 061/901-552, e-mail: indiras@sarajevogas.ba.

Ispred Pružaoca:

Ovlaštena kontakt osoba: g-din. **Ferid Paldum**, kontakt telefon: 033/789-000, fax: 033/789-001, mob: 061/491-818 e-mail: ferid.paldum@securitas.ba, a u njegovom odsustvu ovlaštena kontakt osoba je g-din. **Vahidin Memić**, kontakt telefon: 033/789-000, fax:033/789-001, mob: 062/007-700, e-mail: vahidin.memic@securitas.ba.

#### Član 12.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

#### Član 13.

Ugovorne strane su saglasne da Pružalac usluga neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

#### Član 14.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.



**Član 15.**

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjerka, po 2 (dva) za svaku ugovornu stranu.

**Član 16.**

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

**Za Pružaoca usluga:**

  
Valdin Jažić, direktor

Broj ugovora, 4758/2018

20.11.2018.

**Za Naručioca usluga:**

  
Direktor Preduzeća

Mr.sc. Nihada Glamoč, dipl.ing.maš.

  
Izvršni direktor:

Mr. Mehmed Mehović, dipl.oec.

Broj ugovora, 220/18

01-10-2018